

道門科範大全集卷之五

廣成先生杜光庭制定

懺穢疾病儀

午朝行道

法事陞壇如式

都講舉各禮師存念如法

高功宣衛靈呪

丹靈朱火 炎霞激風 赤輪剛運 天光八儀  
逆威包羅 交變萬方 流金豁落 群魔滅蹤  
辟奸破妖 明耀元功 金符召制 躡雲策龍  
謠歌慶會 散花太空 神化宜運 四極安隆  
伏御帝前 罔有不恭 和與道合真

都講舉鳴法鼓二十四通

高功發爐

無上三天玄元始三炁太上道君太上老君  
召出臣等身中三五功曹左右官使者左右  
捧香驛龍騎吏侍香金童傳言散花玉女五  
帝直符直日香官各三十六人出出者嚴裝  
顯服冠帶垂纓關啓玄壇土地方域神真臣  
今午朝陞壇行道謹奏為入意其諸忱悃已

錄告聞願得

太上十方至真道炁靈寶瑞光下降流入臣  
等身中令臣所啓速達偉御

太上無極大道

三清上聖

吳天玉皇上帝御前

都講舉請稱法位

具位臣某與臨壇官衆等謹同誠上啓  
虛无自然元始天尊无極大道太上大道君  
大聖祖高上大道金闕玄元天皇大帝太上  
老君高上玉皇十方已得道大聖衆至真諸  
君大人三十六天帝君玉虛上帝玉帝大帝  
東華南極西靈北真玄都玉京金闕七寶玄  
臺紫微上官靈寶至真明皇道君上清日月  
九耀南辰北斗星君三官五帝九府四司斗  
中道德諸君無鞅聖衆玄中大法師二天大  
法師六十甲子本命星君東嶽上卿司命真  
君西極總真玉君名山洞府得道神仙三界  
應感一切真靈臣聞至道融真先天立極神  
功獨運靈化潛彰播清濁於兩儀肇裁成於

萬象雖至虛遠邈有感必通玄洞幽遐無祈  
不達聖慈下濟俯念群生惟俟精虔克垂昭  
覆臣等夙承明訓得備職司凡有誠祈理宜  
關奏況奉詞旨敢不上聞

宣詞

按如詞言誠情所切弟子某以五常愆候六  
氣失和疾厄所纏憂危是切遂感冥心大道  
勵志真乘虔想清都仰希玄鑒開三元品格  
按九奏文儀啓置道場延降真聖臣等謹相  
推率澡鍊身心法地像天修齋行道披心稽  
顙歸命至真潔念炷香依科闕奏伏冀  
天尊大聖太上衆真八極高尊十方化主三  
清三界諸地諸天日月帝君星辰主宰山川  
嶽瀆一切威靈開大有之慈降昭彰之應迴  
軒駐駕懸鑒所祈迂蓋流光證明深懇滂垂  
巨福允介殊禎自國及家普沾景睨以今午  
朝行道請法衆等運茲初捨上香願此香煙  
騰空徑上供養  
無上至真道寶臣等皈身皈神皈命首體投  
地仰依

太上三尊十方眾聖願以是捨香功德歸流  
社稷等靈宗祧先聖遊神紫府御景青元會  
蒙谷以參真戴列星而演道垂休大寶胎厥  
帝圖鎮海嶽以傳芳配乾坤而永祚今故燒  
香自皈依

道尊大聖眾至真之德得道之後永保長存  
和與道合真

以今午朝陞壇行道請法眾等運茲二捨上  
香願此香煙騰空徑上供養

無上至真經寶臣等皈身皈神皈命首體投  
地仰依

太上三尊十方眾聖願以是捨香功德上祝  
當今皇帝龍圖鳳紀克保遐長玄頃黃軒允  
齊英睿八溟昭泰息戈甲以垂紳萬國和寧  
混車書而契道今故燒香自皈依

經尊大聖眾至真之德得道之後保天長存  
和與道合真

以今午朝陞壇行道請法眾等運茲三捨上  
香願此香煙騰空徑上供養  
無上至真師寶臣等皈身皈神皈命首體投

地仰依

太上三尊十方眾聖願以是捨香功德奉福  
弟子某家九玄七祖一切幽靈伏願黑簿落  
書青官著錄鍊營魂於丹霍乘雲蓋於紫微  
介福見存垂芳萬葉災銷五運咎滅三纏

六府宜和百關調暢深窈往對隨懺滌以皆  
平舊厄新災應啓祈而感息然後六親五族  
福祉旁資九夜三塗積祥普及今故燒香自  
皈依

師尊大聖眾至真之德得道之後永保長存  
和與道合真

懺方 命魔 三啓 三禮  
重稱法位

具位臣某與臨壇官眾等謹同誠上啓

三清上帝十極高真三界醮筵兩班列聖恭

望洪慈洞垂昭鑒臣等竊惟至聖垂文上真  
流化八書演妙三洞開光清都弘濟度之儀

其以跡處塵寰名拘俗網舉心屬念未合正  
真復行運身多乖大道或前生積世不遇玄

經累結罪尤未嘗懺滌或六情三業過咎所

深或往債宿冤考延所責遂使災凶在運疾  
厄所纏六府失和百關未泰緬惟風露倍切  
憂兢是敢溼懇披心立齋祈福按靈仙品格  
開八景壇場精備香燈虔伸懺謝伏冀玉清

萬聖金闕眾真鑒納丹誠降流玄祐使長生  
御史開丹籙以延年度厄尊神迴紫文而介  
福安五神於五臟正三氣於三田南天續增  
祿之符東斗紀延齡之品北宮落死西府紀  
名神氣開和災殃殄息地無簡對水絕盟言

鬼斷冤仇人銷謀議星辰行度無臨照之凶  
本命行年無刑妨之咎靈丹密授妙藥神資

速遂痊平永期安泰齋壇巨福黃籙殊功上  
贊

帝圖永昌天祚旁資境土克保安寧外息干

戈內無疵癘九幽夜府六趣殊緣咸享福因  
俱登道岸龍神守衛境寓康宜迥遠道風沐

浴惠澤上明  
天尊大慈之施下副臣等懺謝之誠謹啓以  
聞

知磬舉十二願

都講舉存神燒香

高功復爐

香官使者左右龍虎君侍香諸靈官當令臣向來午朝陛壇行道之所自然生金液丹碧

芝英百靈衆真交會在此香火爐前當願十方仙童玉女接侍蘭煙傳臣向來所啓之誠

速達徑御

至真无極大道

三清上聖

昊天玉皇上帝御前

知磬舉

出堂頌 出戶

引至六幕堂

道門科範大全集卷之五

道門科範大全集卷之六

廣成先生杜光庭剛定

懺穢疾病儀

晚朝行道

法事陛壇如式

都講舉各禮師存念如法

高功宣衛靈呪

五星高耀 瑞氣飛浮 元始集神 天地交周

玉符寶節 嘯命微幽 擲火揚威 好山無留

萬魔振伏 紛葩却消 摧怪滅惡 道炁周流

神光照夜 陰翳俱收 萬神降格 扇景乘騷

群生成遂 惠遍神州 和與道合真

都講舉鳴法鼓二十四通

高功發爐

無上三天玄元始三炁太上虛无大道君召

出臣等身中三五功曹左右官使者左右捧

香驛龍騎吏侍香金童傳言散花玉女五帝

直符直日香官各三十六人出出者嚴裝顯

服冠帶垂纓關啓玄壇天帝天真當召此間

土地里域真官正神急上關啓臣今晚朝陛

壇行道謹奏為入意其諸忱悃已錄告闡願

得太上十方至真道炁靈寶瑞光下降流入

臣等身中令臣所啓之誠速達徑御

至真无極大道

三清上聖

昊天玉皇上帝御前

都講舉請稱法位

具位臣某與合壇官衆等謹同誠上啓

虛无自然元始天尊无極大道太上大道君

大聖祖高上大道金闕元天皇大帝太上

老君高上玉皇十方已得道大聖衆至真諸

君丈人三十六天帝君玉虛上帝玉帝大帝

東華南極西靈北真玄都玉京金闕七寶玄

臺紫微上官靈寶至真明皇道君日月九曜

南辰北斗星君三官五帝九府四司斗中道

德諸君無執聖衆六十甲子本命星君玄中

大法師三天大法師東嶽上卿司命真君西

極總真王君名山洞府得道神仙三界應感

一切真靈臣聞混成攝象真一凝先天地稟

之以權輿陰陽運之以生化盛衰倚仗善惡